

مجموعه سنون

جمعیۃ علمیہ عثمانیہ

بشبی سہ



نومرو
۴۷

مسفر

استانبول

چھپک بازار ندہ جمعیۃ علمیہ عثمانیہ نومرو ۴۵

۱۲۸۴

اولد قلندرن ضبط و تسخیرینه دسترس اوله مدیلمر : امیرا طور طائفه
 مذکورینک دفعه مکایدلر بحون هر درلو تکالیف محقره لر بی قبول ایله
 سنوی ویر کو تا دیه ایتکه دخی مجبور اولوب سر کرده لری ایتلا ایله
 عقد مصالحه ایلدی :
 تئودوس اصغر درت پوز الی تاریخیته سنی الی اوج ومدت
 حکومتی قرق اوج سنه اولدیغی حالده اتدن دوشوب بوندن متأثر
 براق کون ظرفنده وفات ایلدی : معتبران ملت و سناتو وعسکر
 تئودوسک همشیره سی مرقوم پوهریه بی امیرا طور یجه تعیین
 ایلدیلمر : انجق رومادولتک اصولنه مخالف ویر یچی دفعه اوله رف
 مسند امیرا طور ی بهرقادین اجلاس او انمشدر : مشارالیه دخی
 رهبان مسلکینه سلوک ایله طریق نجرد اختصار ایلش اولدیغندن
 معامله زوجیه دن اجتناب اوانق شریطیله سناتو اعضا سندن
 مارسیان نامنده والتش باشند برقات ایله عقد ازدواج ایلدی :
 واوغوست عنوانی تر جیح وولی عهد تعیین ایلدی : مشارالیه
 اوج سنه مملکتی حسن اداره ایدوب وفاتنده زمام حکومت زوجی
 مارسیانه انتقال ایلدی :

(فاردیس)

(بقیه سی صکره)



(ایا صوفیه تاریخی) (مابعد)

(ویژاندینوس) مؤرخلرینک روایتنه نظرا ابوالفتح سلطان محمد خان

طاب ثراه حضرت تری بلده طیبه بی اورده قبضه تسخیر ایند کده
 طوغر بجه ایاصوفیه سوق سمند عزیزت و درون و بیرونه حواله
 نظر دقت پیوروب متانت و ظرافتی موجب تعجب و حیرت تری
 اولشدر . اول ائنده اهل اسلام دن بر شخصک دوشمه هر مرزینی
 شکست ایله مشغول اولد یغنی کوروب سینی سـؤال پیوردیلر .
 اول دخی نائل اجر و ثواب اولق ایچـوندردیدکده خزان
 واسراسمه کفایت ایدر شهرک ابنیه سی بخدر دیرک مخرب هر قومی
 عبیره لاساثرین قتل و جسدینی جامعدن اخراج ابتدیری . ائمه
 شاهانه لردن برینه کرسییه چیقـوب اذان اوقومسینی امر ایتمش
 و متعاقبا اقامه صاوة اوانوب اندنصکره ایاصوفیه اسلامه مخصوص
 اولشدر .

مؤرخین اسلامیه دن اولیاچلیپنک روایتیه کوره ابوالفتح حضرت تری
 استانبولک قحنی متعاقب تشکرا ایکی رکعت نماز قتلای نیتیه
 ایاصوفیه کلبه ساسنه کبرمک استد کده ایچنده وجوانب اربعه سـنده
 ساکن اولان رهبان ایاصوفیه قیانونوب وعسکر اسلامه زنبک
 و تفنک باغدیروب الارغه ایندیلر . ابوالفتح عسکر اسلام ایله
 اوج کون اوج کیجه عظیم جنک ایدرک الی اوچنجی کون ایاصوفیه
 دخی فتح اولندی . جله دن اول سلطان محمدخان حضرت تری ایاصوفیه
 دروننه کوروب لواسنی محراب محله دیکدی وابتدا اذان محمدی بی
 گندی تلاوت ایندی وعلامتم اولسون دیو ایاصوفیه قبه سـنک
 اورته سـنه برتیر چار جناح اندی حالا علامت تبرنمایاندر وصول
 اغارندن بریسی صاغ النی خون مقتولینه بولایوب سلطان
 محمدخان حضورنده النی برییاض هر مره سـوردی الا آن قانلو

بچه سنك نقشی تربه قیوسندن ایچرو کبررکن فارسو کوشه ده
بش ادم قدی برده ظاهر در

ایاصوفیه جامعه تحویل اولندقدن صکره تاربخجه شایان تحریر
وقوعاتی پک ازدر: یک بشیوز یمش اوج سنه میلادی سنه
(تأیافت) نام محله دولت علیه ایله نمجه لی بینده وقوعبولان
محاربه بحریه دن صکره سلطان سلیم ثانی ایاصوفیه بی تعبیر
و طرز نوین اوزره درت مناره انشا ایندیرمشدر: اووقته قدیر
ایاصوفیه دروننده جانب بسارده هر برینک طولی الی و عرضی
بش بچق ارشون و مربع الشکل درت مرمر اوجه موجود اولوب
هر بری برصماکی ستون اوسنده موضوع و اوزرلنده یک یوزاون الی
سنه سنه امپراطور (مانوئل) ک بعض مسائل مذهبییه دایر
جمعیت رهبانیه قراری حقننده برقطعه تصدیقنامه سی محکولادی:

یک بشیوز یمش اوج سنه سی شهر ایلولنده سلطان سلیم ثانی
حضرتلری ایاصوفیه بی تشریف ایله ذکر اولنان لوحه لر
مشهودلری اولدقده بونلر ندر دیو سوال بیوروب رومجه بعض
عبارات اولدیغی عرض افاده اولمغله بااراده سنیه بطریق
افتدی یه خبر ارسالیله اسنان مذکوره انشا بر ادم جلب اولنوب
مالی سلطان سلیم حضرتلرینه ترجمه و افاده قلندی: بونک
اوزرینه علمای عصرک تنسیبیه مشارالیه حضرتلری اوجه لرک
تنزیل اولمغنی امر ابوب فقط ایندیررکن اوچی شکست اولدی:
صاغلر قلان بریسنی بدرلرینک تربه شریفه لری اوزرینه وضع
ایندیرمشدر: مؤخر حرکت ارضدن ایاصوفیه ک شرق طرفنده
واقع کری شقی اولمش اولدیغندن مشارالیه حضرتلری تعبیر

و تحکیم نه صرف همت بیورمش ایسه ده غری وفا ایثوب
وفاتلری وقوع بولد یغندن سلطان مراد ثالث حضرتلری تعمیرینی
انعام و داخلا و خارجا تزییننه اهتمام بیورمشدر .
ایاصوفیه اندن صکره تعمیر کورمامش و چوق یرلری محتاج ترمیم
بولمش اولدیغندن سلطان عبدالمجید خان علیه الرحمة والغفران
حضرتلرینک صادر اولان امر و اراده سنیله لری موجبنجه
مشهور ایتالیا لی فوساتی نام معمار معرفتله صورت محکمده
تعمیر و یک سکر بوز قرق طغوز سنه سی تموزینک برنجی جمعه کونی
تکمیل اولانرق خاقان مشارالیه حضرتلری ایاصوفیه نک کشادی
کونی تشریف و معمار و عمله بی عطایای سنیله ایله تطیب
و تلطیف بیورمش و بونک بر یادکاری اولمقی اوزره بر طرفند .
ایاصوفیه نک رسمی و دیگر طرفده طغرای غرای ملوکانه لریله مزین
بر مدالیه ضرب ایله مرقوملره اعطا ایلشدر . تعمیرات مزبوره
ایکی سنه ممتد اولوب روایت واقعیه کوره بکرمی یک کبسه
مصارف اولمشدر . ایاصوفیه ویزان دیوس زمانده امپراطور
و بطریقک نصب و عزلی و مسائل مذهبییه و بوکامائل
خصوصات سائر ایچون مجلسلرک محل مذاکره سی اولدیغی کبی
نوع بنی بشرک اثار جسمیه سندن معدوددر .
ایاصوفیه نک شکلی بختنه کلنجه مربع اولوب فرانسه لی موسیو
شوالیه نک حسابنه نظرا طولی آلمان قدمیله ایکیوز یتش و عرضی
ایکیوز قرق و انکیلیر موسیو دالاولیک قولنه کوره طولی ایکیوز التمش
طغوز و عرضی ایکیوز قرق اوج قدم و قبه نک ارتفاعی سکسان یدی
بذراع و البی ربع و شوالیه په کوره بوز التمش ایش قدمدر بنا برین

ایاصوفیه جامع شریفی طولاً روماده واقع (سان پترو) کلیسا سندن
 اوچبوز قرق بر و عرضاً اون بش و ارتفاعاً ایکبوز بر قدم
 ولوندرده واقع (سان پولوس) کلیسا سندن طولاً ایکبوز بش و ارتفاعاً
 اوتوز الی قدم کوچک ایه ده عرضاً ایاصوفیه سان پولوسدن
 قرق قدم واسعد ر

(قسطنطنیدی)

(فن انشا)

قوة نطقیه ابله انشای جنس نه حکومت ایدن ذاتلر هر زمانده
 ظهور ایشدر فقط فن کتایبده صاحب بد طولی و فصاحت
 و بلاغتده بی همنا اولنلر اثنوار معارفله منور اولان عصرله
 مخصوصدر . اصل فصاحت و بلاغت قوة عقایه نك کسب
 بلکه اتمسینه وانسانك تحصیل معلومات ایلسنه منوطدر .
 سهولتله افاده مرام اتمك که انفعالات نفسانیه سی قوی و اعضای
 بدنی نازک و زیاده قوة متفکریه مالک اولنلر مخصوص بر خاصه در که
 فصاحت و بلاغتک غیریدر . مثلاً کلامک مؤثر و رفقت انکیز
 اولسی و طمطراقلی الفاظ و تعبیرات ابله تصویر و بیان ایدلسی
 ایشید نلری الزام واقناع ایچون کافیدر . فقط انشا بو کامقبس
 دکادر بر نفیس باعچه ده متعدد خیابان طرح و کشاد و لایعدا شجرار
 میودار و ازهار لطافت اثار غرس اولندیغی مثلاً و انشاسانک دخی
 ارباب معلوماته تأثیری اولسی ایچون سلاست ادا و لطافت مؤیدی
 خاصه لرینی یعنی الفاظ سلیمه و معانی نفیسه پی جامع اولسی